

“Янги Ўзбекистон - янги дунёқараш” шиори остида маънавий тарғибот тадбирлари

2020-йил 16-ноябр куни Тошкент ирригация ва қишлоқ хўжалигини механизациялаш муҳандислари институти “Гидротехника қурулиши” факултетининг кафедра мудирлари ва профессор-ўқитувчилари томонидан мамлакатимизда амалга оширилаётган ислохотларнинг мазмун - моҳияти ва аҳамиятини кенг жамоатчиликка етказиш мақсадида Ўртачирчиқ туманидаги бириктирилган маҳаллаларда “Янги Ўзбекистон - янги дунёқараш” шиори остида маънавий тарғибот тадбирлари ўтказилди. Ўрта Чирчиқ туманидаги 64-сонли мактабда Аранши МФЙда истиқомат қилувчи аҳоли билан “Чизма геометрия ва муҳандислик графикаси” кафедраси мудир Ж.Қосимов, ушбу кафедра ўқитувчиси У.Едилбаевлар иштирокида учрашув бўлиб ўтди.



Учрашувда Ж.Қосимов Президентимиз ташаббуслари билан мамлакатимизда олиб бораётган ислохотлар, аҳолининг ижтимоий турмуш тарзини яхшилаш, фаровонлигини таъминлашга қаратилган устувор вазифалар тўғрисида маъруза қилди. У.Едилбоев мамлакатимизда ёшларга берилаётган эътибор ва имтиёзлар, ёшлар сиёсати, баркамол ва интеллектуал авлодни тарбиялаш борасида амалга оширилаётган ислохотлар тўғрисида маъруза қилиб бердилар. Аҳолини қизиқтирган саволларга жавоб берилди. Учрашувларнинг бадий қисмида таклиф этилган санъаткорлар, мактаб ўқувчилари жамоаси томонидан тайёрланган кўшиқ, рақс ҳамда спорт ўйинлари намойиш қилинди. Тадбирлар қизиқарли ва мазмунли ўтди. Учрашувда маҳалла раислари, уч юзга яқин маҳаллий аҳоли ҳамда мактаб жамоалари фаол иштирок этиб, тадбирни юқори савияда ташкил этишга ва уни мазмунли ўтказилишига ўзларининг муносиб ҳиссаларини қўшишди.

